



**Lakunas Siguransa Timor-Leste: Atraku ba Krime Organizadu
Mahein Nia Lian Nú. 87, 30 Setembru 2014**



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha publikasaun relatoriu sira ne'e la representa vizaun husi Ajénsia Estadus Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org

Kontiudu Sira

| | |
|----------------------------|----|
| Kontiudu sira | 2 |
| Introdusaun | 3 |
| Metodolojia | 3 |
| Operasaun krime organizadu | 4 |
| Ameasa ne'ebé besik hela | 7 |
| Terorismu global | 8 |
| Rekomendasaun | 9 |
| Bibiliografia | 10 |

Introdusaun

Fundasaun Mahein (FM) alerta dahuluk tiha ona iha relatoriu sira ne'ebé públika ona iha tinan 2010 kona-bá operasaun krime organizadu iha Timor-Leste. Nune'e mos relatoriu tuir mai iha tinan 2013 kona-bá forma foun krime organizadu. Iha ne'ebé Timor-Leste dadaun ne'e hasoru ameasa sira ho forma organizadu krime transnasiona nian ho rede internasional sira. Autor prinsipal sira involve sidadaun nasional no estranjeiru sira.

Kazu atual ida ne'ebé dadaun ne'e sosiedade tomak preokupa no sai notisia prinsipal iha media nasional hotu-hotu hanesan trafiku ba droga, falsifikasaun dokumentu, fase osan (*money laundering*), sirkulasaun osan falsu, mafiozu no grupu kriminozu sira. Forma hirak ne'e dadaun ne'e hahu infiltra no forma balu halo ona nia knuk iha Timor-Leste hanesan trafiku dorga.

FM nia analiza ida ne'e nu'udar frakeza fundamental ida husi atuasaun autor seguransa nian. Iha ne'ebé autor sira husi krime organizadu hare katak situasaun siguransa Timor-Leste nian sei frajil ho limitasaun hirak ne'ebé husi instituisaun siguransa nian. Portantu odamatan tama-sai nian hanesan aero portu, portu no fronteira terestre nian menus rekursu ekipamentu atu detekta no menus rekursu ema sira iha kuiñesementu ba forma krime organizadu nian. Dalan úniku seluk tuir relatoriu serbisu informasaun siguransa nian hato'o katak area maritima Timor-Leste nian ne'ebé luan, menus kontrola husi autor siguransa, rede krime organizadu sira dalabalu aproveita hodi halo transaksaun ilegal. Nune'e preokupasaun sira iha sosiedade ho konkluzau ida katak Timor-Leste sai hanesan fatin *transit* no prosesamentu ba droga.

Objetivu husi relatoriu ida ne'e atu aktualiza relatoriu dahuluk rua seluk kona-bá operasaun krime organizadu iha Timor-Leste. Relatoriu ida ne'e mos la'os atu soe boatus ba públika maibe kazu sira ne'ebé FM sita iha relatoriu ne'e nu'udar preokupasaun ida ba siguransa nasional. Iha ne'ebé dadaun ne'e sai preokupasaun sosiedade tomak nian no rai viziñu sira.

Maske nune'e, susesu barak ona realiza husi autoridade siguransa hasoru krime organizadu nia operasaun. Maibe sei iha forma oin-oin infiltra Timor-Leste. Ironiku liu tan, forma balu utiliza Timor-Leste hanesan knuk ba sira nian operasaun.

Metodolojia

Metodolojia ne'ebé adopta iha relatoriu ne'e liu husi diskusaun sira ho autor prinsipal sira husi seitor siguransa nian. Hanesan serbisu informasaun Estadu nian, polisia no militar sira. Informasaun prinsipal sira seluk husi relatoriu media nasional no internasional sira. Nune'e mos relatoriu ONG nasional sira. Ho nune'e, liu husi diskusaun sira ne'ebé FM adopta hanesan *Security Sector Discussion* – SSD hodi artikula dadus no análiza ba situasaun siguransa dadaun ne'e Timor-Leste infrenta.

Iha ne'ebé relatoriu ida ne'e sei ko'alia kona-bá operasaun krime organizadu iha Timor-Leste. Ho forma sira hanesan falsifikaun dokumentu ofisial Estadu nian, droga, sirkulasaun osan falsu, lavagem dinheiro (*money laundering*) no forma sira seluk ne'ebé sei relata iha kontiudu relatoriu tuir mai.

Operasaun Krime Organizadu

Droga

Iha loron 5 Setembru 2014 oras 8:30 OTL autoridade siguransa halo operasaun ba grupu distributor droga no konsege detekta objetu droga hanesan morfin no sabu-sabu. Rekolla iha suspeitu Xineza inisial "A", ho "CL" husi Singapura ne'ebé halo ligasaun ho sidadaun Timor oan balu hodi halo transaksaun iha Timor-Leste. Rezultadu operasaun ne'e konsege kaptura suspeitu "A" ho evidensia droga tipu hanesan *morfin* no *sabu-sabu*. Depois suspeitu entrega ba Serbisu Investigasaun kriminal – PNTL. Nune'e testu ka ezaminasaun ba objetu ne'ebé deskonfia droga, klarifikadu pozitivu. Iha operasaun ne'e mos autoridade siguransa hetan mos evidensia seluk hanesan makina produs droga nian. Iha ne'ebé rede ida ne'e simu droga ne'ebé seidak halo prosesamentu no mai halo prosesamentu final iha Timor-Leste hodi distribui. Autoridade siguransa sira nia deskonfia sasan hirak ne'e tama via maritima.¹



Fontes: Autoridade Siguransa Timor-Leste nian, 2014

Suspeitu dadaun ne'e submete ona ba premeiru interrogatoriu iha Tribunal Distrital Dili. Ironiku liu, iha operasaun ne'e pesoal balu husi autoridade siguransa halo intervensaun ba grupu ne'e nia atuaun. Pesoal ne'e reazen kedas hasoru kna'al pesoal serbisu informasaun militar nian. Iha intervensaun ne'e pesoal ne'e hatete buat ne'ebé imi kaptura la'os droga no tenta bosok tun sa'e hodi husik suspeitu refere. Nune'e investigasaun serbisu informasaun militar nian hetan katak pesoal autoridade siguransa refere iha kontaktu regular ho suspeitu no sira na'in rua hasoru malu iha suspeitu nia uma tantu loron no kalan.

FM rekomenda tiha ona katak autoridade serbisu informasaun presiza koordinasaun diak no pasa informasaun ba malu hodi detekta rede krime organizadu iha Timor-Leste ne'ebé ligasaun forte ho rede sira iha rai liur no presiza kontrolu masimu iha aero portu, portu no ajensia sira ne'ebé simu no transfere sasan husi no ba rai liur.² Kazu seluk to'o agora seidak kaptura fila fali suspeitu prinsipal ida ne'ebé halai sai husi Prizaun iha tinan 2013.

¹ Relatoriu autoridade serbisu informasaun Estadu nian kona-bá operasaun hasoru grupu sira ne'ebé falsifika dokumentu ofisial Estadu nian. Kaptura iha Dili, loron 26 Setembru 2014.

² Parabens Ba Serbisu Informasaun Militar Funu Hasoru Droga. disponivel iha: <http://www.fundasaunmahein.org/2014/09/10/parabens-ba-serbisu-informasaun-militar-funu-hasoru-droga/>. FM asesu iha loron 29 Setembru 2014.

Iha ne'ebé involve transaksaun droga. Inklui suspeitu seluk deskonfia husi pesoal PNTL balu to'o agora seidauk hatene ninia paradeiru.³

Falsifikasaun Dokumentu

Iha loron 26 Setembru 2014 autoridade siguransa Timor-Leste kaptura Timor ona balu ho sidadaun estranjeiru balu iha Dili ho evidensia sasan sira ne'ebé utiliza hodi produs dokumentu falsu sira hanesan komputer no makina sira seluk. Grupu ne'e halo operasaun desde tinan 2002 hodi produs no falsifika dokumentu ofisial Estadu nian. Lukru husi falsifikasaun dokumentu kada loron grupu ne'e hetan entra US\$ 100.00 to'o US\$ 500.00. Dokumentu ofisial Estadu nian ne'ebé falsifika hanesan sertidaun batismu, sertidaun RDTL, karta kondusaun no kartaun rejistu veikulu nian ka *STNK*, kartaun inspesaun veikulu nian, diploma eskola nian ka *Ijasah*, sertifikadu kursu nian, kartaun eleitoral no dokumentu ofisial sira seluk.⁴



Fontes: Autoridade Siguransa Timor-Leste nian, 2014.

Forma hirak ne'e mosu ona preokupasaun desde eleisaun jeral tinan 2012. Iha ne'ebé kartaun eleitoral monu ba sidadaun estranjeiru nia liman hamutuk 600.⁵ Nune'e mos sidadaun Koreanu seluk hetan pasaporte Timor-Leste nian. Autoridade siguransa Indonezia nian kaptura wanhira nia tama iha Indonezia, detekta katak passaporte ne'e falsu.⁶ Kazu hanesan Sidadaun Indonezia no naran insial ARD, ne'ebé falsifika naran dokumentus hodi hetan Passaporte no Eleitoral RDTL, husi suku Motael maka ho insial RMS.

Operasaun Mafia

Mafia mai husi lia Italia nian, signifika katak organizasaun sekretu ida nu'udar foma krime organizadu ida ne'ebé ho meus oin-oin hodi hetan lukru ka benefisiu ruma. Elementu sira husi mafia nian ho naran "mafiozu" signifika mane onradu "*homen honrado*". Forma sira ne'ebé mafia halo hodi hetan lukru ka benefisiu ruma hanesan jogu ilegal, prostituisaun, trafiku droga, kobransa ilegal no bosok sira hodi hetan lukuru ruma. Iha ne'ebé lukru ka benefisiu ruma ne'ebé ho dalan krime.⁷

³ Espekulasaun Informasaun no Desizaun Lori Fila Dadur Juga Gama no Alcino M. Pereira. Disponivel iha: <http://www.fundasaunmahein.org/2014/08/18/espekulasaun-informasaun-no-desizaun-lori-fila-dadur-juga-gama-no-alcino-m-pereira/>. FM asesu iha loron 29 Setembru 2014.

⁴ Relatoriu autoridade serbisu informasaun Estadu nian kona-bá operasaun hasoru grupu sira ne'ebé falsifika dokumentu ofisial Estadu nian. Kaptura iha Dili, loron 26 Setembru 2014.

⁵ CNE identifika Sidadaun Estranjeiru kaer Kartaun Eleitoral hamutuk 600. Disponivel iha: <http://www.thediliweekly.com/news/news/796-cne-identifika-sidadaun-estranjeiru-kaer-kartaun-eleitoral-hamutuk-600>. FM asesu iha loron 29 Setembru 2014.

⁶ KAZU SIDADAUN KOREA FALSIFIKA PASAPORTE, BABO: "SEI BUKA TUIR MATADALAN". Disponivel iha: <http://jornal.suara-timor-lorosae.com/kazu-sidadaun-korea-falsifika-pasaporte-babo-sei-buka-tuir-matadalan/>. FM asesu iha loron 29 Setembru 2014.

⁷ Difinisaun "Mafia" tuir Wikipedia. Diskponivel iha <http://id.wikipedia.org/wiki/Mafia>. FM asesu iha loron 29 Setembru 2014.

Kazu Timor-Leste nian, inisiu tinan 2014 autoridade siguransa kaptura suspeitu ida ho naran Lazaro Ribeiro (LR) iha Dili. LR nia operasaun ho forma ida organizadu no nia objetivu ba emprezariu sira, insituisaun Estadu nian, emabxada sira no ajensia dezvoltamentu sira ne'ebé nia misaun iha Timor-Leste. LR ho forma organizasaun ida lori naran insituisaun relijioza nian ho naran Santo Inacio Loiola harii desde tinan haat liu ba. LR nia atividade maka halo proposta lori naran povu nian hodi husu apoiu orsamentu husi Governu, embaxada, ajensia sira no empreza privadu sira. Iha ne'ebé hodi tulun ba orfonatu sira, hadia dalan iha area rurais, tulun ba grupu juventude sira iha suku no grupu juventude relijioza sira. Maibe apoiu orsamentu ne'ebé LR hetan la halo buat ne'ebé husu iha proposta no uza ba nesesidade privadu.

Dadus ne'ebé FM deskobre instituisaun sira ne'ebé durante ne'e sai hanesan tarjetu maka hanesan Embaxada Xina, Japan, USA, Australia, Nova Zelandia no Korea do Sul. Nune'e ajensia dezvoltamentu sira hanesan Uniaun Europea, Ajnsia Español nian inklui Gabinete Sociedade Sivil Prezidencia Repúblika (PR) no Premeiru Ministru (PM) nian iha tinan hirak liu ba. Proposta orsamentu ne'ebé LR hato'o entre US\$ 25.000.00 to'o 100.000.00. Entre proposta hirak ne'ebé LR hato'o balu hetan apoiu husi emebaxada, ajensia no Gabinete PR no PM nian no balu la hetan apoiu husi instituisaun sira ne'e.⁸

Sirkulasaun Osan Falsu

Relatoriu seluk husi kazu ida ne'e nian FM públika dahuluk tiha ona hanesan sirkulasaun osan falsu iha Timor-Leste. Iha altura ne'eba FM alerta katak sidadaun hotu tenki atensaun no tenki identifika didiak osan sira ne'ebé simu iha kontratu ka negosiu sira iha merkadu no iha dalan ninin sira. Portantu osan tahan falsu ne'ebé FM hetan hanesan iha amostra kraik ne'e. Iha amostra liman karuk osan tahan falsu ne'ebé sirkula no amostra liman los osan loos no legal.



Foto Fundasaun Mahein

Notisia kona-bá osan bosan ne'ebé mosu ona, ida ne'e tanba ho kualidade surat-tahan ne'ebé aat ho testura ne'ebé mihis ka mamar. No mós atu nota katak osan-tahan falsu ne'e ki'ik liu duke osan-tahan lolos iha parte liman loos nian. Marka kinur ki'ik oan iha "20" ne'e hare hanesan tomak ketak ho kualidade marka indikasaun ne'ebé aat ho osan falsu ne'ebé uza ekipamentu avansadu nian. Durante ne'e ita la hatene osan falsu ne'e mai husi ne'ebé loos maibe mosu osan falsu ne'e ita bele deskonfia bele mós mai husi grupu krime organizadu ruma iha Dili nune'e mós ema individu ne'ebé iha ekipamentu impresóra ho kualidade ne'ebé diak.⁹

⁸ Fraud in Timor-Leste. Disponivel iha: <http://www.fundasaunmahein.org/2014/04/14/fraud-in-timor-leste/>. asesu iha loron 29 Setembru 2014.

⁹ Osan falsu. Disponivel iha: <http://www.fundasaunmahein.org/2014/07/03/counterfeit-money/>. Asesu iha loron 29 Setembru 2014.

Money Laundering

Kazu ne'ebé sei fresku no diskusaun namanas iha sosiedade Timor-Leste nian. Kazu boot liu ofisiais FBI nian iha Estadus Unidus Amreika EUA kaptura nia sidadaun ne'ebé moris iha Negeria Bobby Boye iha fulan Juñu tinan 2014 liu ba, akuza nia ho krime hitu ne'ebé involve nauk osan liu tokon \$3.5 husi Povu Timor-Leste. Boye mai Timor-Leste iha 2010 nu'udar parte ida husi programa assisténsia husi Noriega iha Seitór Petróleu ho valor tokon \$ 4 ba programa tinan haat nian ne'ebé hotu iha 2012, no nia servisu nu'udar asesor iha Diresaun Nasionál ba Reseita Petróleu iha Ministériu Finansa to'o tinan kotuk. Tuir FBI, Boye kria kompañia legal falsu ida iha New York no uza kompañia ne'e atu hetan kontratu ho valor tokon US\$ 7.8 husi Ministériu Finansa Timor-Leste. Timor-Leste la hatene katak "Opus & Best" nu'udar kompañia ne'ebé la eziste ka Boye mak iha kompañia ida ne'e nia kotuk.¹⁰

Nune'e mos kazu seluk iha semana kotuk autoridade siguransa Singapura nian kaptura tan ninia sidadaun lori halai osan husi Timor-Leste. Sou Hok Huan, ne'ebé maka lori halai osan Kooperativa Komite 12 Novembru nian ho montante US\$ 57.000 iha fulan Jullu tinan 2014. Orsamentu ho montante US\$ 57.000 la'os husi kooperativa deit maibe husi membrus seluk husi kooperativa nian mos.¹¹

Kazu sira hanesan ne'e FM alerta dahuluk tiha ona katak Timor-Leste tenki iha kontrolu ho sistema finanseira sira nian ida ne'ebé bele deskobre osan sira ne'ebé tama sai iha rai laran. Iha ne'ebé altura ne'eba mosu kazu dahuluk seluk autoridade siguransa aero portu Prezidenti Nicolau Lobato kaptura sidadaun Indonezia ida lori tama osan ho montante US\$ 54.800.00 mai iha Timor-Leste.¹²

Ameasa Ne'ebé Besik Hela

Husi forma sira hanesan falsifikasaun dokumentu ofisila Estadu nian iha Timor-Leste. FM nia deskonfia buat hirak ne'e hotu forma ida organizadu no halo operasaun kleur ona iha Timor-Leste. Maibe seidauk hetan atensaun diak husi Governu Timor-Leste hodi regulariza atividade negosiu sira iha rai laran. Partikularmente ba atividade sira uza teknolojia nian hodi imprime dokumentu ofisial sira husi empreza privadu sira ne'ebé durante ne'e hala'o nia atividade. Hanesan *rental* komputador no empreza printing sira . Iha ne'ebé FM deskobre katak iha balu hetan lisensan negosiu nian no balu halo operasaun ho ilegal.

Husi dadus serbisu autoridade siguransa nian hato'o katak iha empreza balu sai fatin hodi produs no falsifika dokumentu ofisila Estadu nian. Hanesan naktemi tiha ona iha sesaun dahuluk liu ba. Falsifika dokumentu hirak la'os deit ba sidadaun nasional sira maibe involve

¹⁰Bobby Boye: Convict, Advisor and Frau. Disponivel iha: <http://www.laohamutuk.org/econ/corruption/Boye/14BoyeCase.htm>. FM asesu iha lora 29 Setembru 2014.

¹¹ Polisia Singapura Kaptura Ona Sou Hok. Disponivel iha: <http://www.jndiario.com/2014/09/25/polisia-singapura-kaptura-ona-sou-hok/>. FM asesu iha lora 29 Setembru 2014.

¹² The Voice Of Mahein Number 14, 10 November 2010. THE OPERATIONS OF ORGANIZED CRIME IN TIMOR-LESTE. Disponivel iha: http://www.fundasaunmahein.org/wp-content/uploads/2010/11/MNL_Nu.14_10112013_Organized-Crimepdf1.pdf. FM asesu iha lora 29 Setembru 2014.

mos sidadaun estranjeiru balu dokumentu falsu hirak ne'e monu ba sira nia liaman.¹³ Kazu ne'ebé FM hetan katak dokumentu ofisial sira hanesan kartaun eleitoral no sertidaun RDTL produs hotu ona no prontu ona atu distribui. Iha ne'ebé dokumentu sira ne'ebé FM hetan identidade sira ne'ebé hakerek iha dokumentu hirak ne'e. Identifika katak sidadaun balu mai husi rai viziñu Indonezia no Xineza balu.¹⁴ Nune'e mos involve Timor oan balu desde tinan 1999 halai ba Kupaun no Atambua. Empreza hirak ne'e fasilita no falsifika dokumentu sira hanesan kartaun eleitoral no sertidaun RDTL no sertidaun batismmu nian.

FM nian tauk, ida ne'e fo fatin ba grupu krime organizadu sira hodi aproveita no utiliza dokumentu falsu sira ne'e hodi hasubar-an iha Timor-Leste. Nune'e mos hodi organiza atividade krime organizadu nian. Ho nune'e iha sesaun ida ne'e FM konsidera katak ameasa ne'ebé besik hela. Konsidera nu'udar amesa besik hela. FM nia tauk dokumentu hirak ne'e bele monu mos ba grupu krime organizadu no grupu terorista seluk nia liman. Iha ne'ebé dadaun ne'e movimentu maka'as iha rai viziñu sira ho asaun oin-oin hasoru instalasaun públiku no ema inosente sira. Ho nune'e bele justifika grupu sira ne'e nia ezistencia iha rai hotu-hotu.

Terorismu Global

Tanbasa konsidera hanesan ameasa ne'ebé besik hela? Portantu relasiona ho movimentu grupu kriminozu sira iha Asia no rai viziñu sira hanesan Indonezia no Australia. Iha semana hirak liu ba autoridade siguransa Australia nian tiru mate joven na'in ida ne'ebé deskonfia membru ISIS nian.¹⁵ Nune'e mos movimentu membru ISIS iha rai belun Indonezia nian¹⁶ ne'ebé la dook husi Timor-Leste no haketak deit ho fronteira terestre. Iha ne'ebé fronteira Timor-Leste no Indonezia hanesan sociedade tomak preokupa katak buras ho atividade ilegal.

Ho nune'e iha ka lae insidenti sira iha leten ne'e iha influencia ba política siguransa Timor-Leste nian? FM alerta katak Governu tenki komvoka diskusaun sira ka analiza sira kona-bá potencia implikasaun ba Timor-Leste. Portantu ho vulnirabilidade situasaun siguransa grupu hirak ne'e bele aproveita. Nune'e mos bele mai husi terorista migrante sira. Forma hirak ne'e hanesan gurpu krime organizadu halo trafikku ba droga no seluk-seluk tan. Portantu grupu hirak ne'e sempre buka meus no aproveita lakunas ne'ebé iha estrutura sociedade nian ho siguransa entre nasaun. Ida ne'e biban no faktus forte organizasaun sira hanesan ISIS no simpatizante sira dezenvolve sira nia-an iha nasaun viziñu sira ne'ebé besik liu Timor-Leste. Inklui Indonezia, Malaizia ho Australia. Tanba ida ne'e maka lojika duni atu halo forte lala'ok implementasaun lei nian iha nasaun viziñu sira atu funu hasoru terorista sira.

Timor-Leste relativamente fraku kona-bá lala'ok siguransa nian iha fronteira maritima no terestre bele sai biban boot atu sai terjetu hodi atraku ba terorista sira atu bele tama-sai fasil.

¹³ Relatoriu autoridade serbisu informasaun Estadu nian kona-bá operasaun hasoru grupu sira ne'ebé falsifika dokumentu ofisial Estadu nian. Kaptura iha Dili, loron 26 Setembru 2014.

¹⁴ Relatoriu autoridade serbisu informasaun Estadu nian kona-bá operasaun hasoru grupu sira ne'ebé falsifika dokumentu ofisial Estadu nian. Kaptura iha Dili, loron 26 Setembru 2014.

¹⁵ Tersangka Militan ISIS Ditembak Mati di Australia. Disponivel iha: <http://www.dw.de/tersangka-militan-isis-ditembak-mati-di-australia/a-17949404>. FM asesu iha loron 29 Setembru 2014.

¹⁶ Polisi cegah penyebaran propaganda ISIS. Disponivel iha: http://www.bbc.co.uk/indonesia/berita_in_donesia/2014/09/140919_isis. FM asesu iha loron 29 Setembru 2014.

Nune'e mos bele hases an husi kontrolu autoridade siguransa nian. Senariu sira hanesan inkuantu la detekta didiak bele utiliza Timor-Leste hanesan fatin halai sees ka subar-an. Hanesan notisia sira dadaun ne'e namans hela iha media nasional hotu-hotu kona-bá trafiku droga iha Timor-Leste ne'ebé utiliza Timor-Leste hanesan knuk hodi halo importasaun droga sira mai husi Azia Sentral no Afrika hodi distribui ba rai viziñu Indonezia no Timor-Leste rasik.

Kazu ida, FM la'os atu indika katak ne'e membru ida husi grupu terorista ka grupu kriminozu seluk. Maibe FM deskonfia pesoal ne'e dalaruma elementu balu husi grupu hirak ne'e. Pesoal ne'e mai rai estranjeiru dadaun ne'e serbisu empreza boot ida iha Timor-Leste. Pesoal ne'e ho identidade ne'ebé la klaru. Iha ne'ebé FM deskobre katak ema ida deit maibe uza identidade tolu no halo azineiras oin-oin hasoru Timor oan sira ne'ebé serbisu hamutuk ho nian iha empreza ne'e. Pesoal ne'e mos ho lian maka'as hatete ba Timor oan sira, nia la tauk Timor-Leste, portantu nia iha esperiensa barak iha rai konflitu sira iha Azia nia laran no rai viziñu sira.¹⁷

Rekomendasaun

1. Rekomenda ba autoridade siguransa Timor-Leste nian katak presiza fahe informasaun intelejensia nian ba malu no husu rai viziñu sira kona-bá movimentu terorista no grupu kriminozu sira nian iha nivel rejional.
2. Halo planeamentu diak kona-bá hakur fronteira nian, oinsa iha kontestu hapara terorista hodi halo atividade terror ba atividade nian ne'ebé tama mai teritoriu nasional.
3. Rekomenda ba autoridade siguransa no ministeriu relevante sira Timor-Leste nian tenki halo inspesaun imediatu ba empreza sira ne'ebé halo atividade negosiu iha Timor-Leste. Nune'e mos ba sidadaun estranjeiru sira ne'ebé serbisu iha Timor-Leste.
4. Rekomenda ba autoridade siguransa no ministériu relevante sira presiza halo planu integradu ida ho fiskalizaun regirozu ba movimentu tama-sai iha aero portu, portu no fronteira terrestre ba sasan no ema sira ne'ebé tama no sai husi rai laran

¹⁷ Fontes kredivel ida hato'o mai FM iha inisiu fulan Setembru 2014. Kona-bá lala'ok sidadaun estranjeiru balu serbisu iha empreza boot ida iha Timor-Leste ne'ebé uza doukementu identidade nian hanesan pasaporte, KTP no dokumentu ofisial sira seluk. Maibe naran la hanesan.

Bibliografia

- Bobby Boye: Convict, Advisor and Frau. Disponivel iha: <http://www.laohamutuk.org/econ/corruption/Boye/14BoyeCase.htm>. FM asesu iha loron 29 Setembru 2014.
- Relatoriu autoridade serbisu informasaun Estadu nian kona-bá operasaun hasoru grupu sira ne'ebé falsifika dokumentu ofisial Estadu nian. Kaptura iha Dili, loron 26 Setembru 2014.
- CNE identifika Sidadaun Estranjeiru kaer Kartaun Eleitoral hamutuk 600. Disponivel iha: <http://www.thediliweekly.com/news/news/796-cne-identifika-sidadaun-estranjeiru-kaer-kartaun-eleitoral-hamutuk-600>. FM asesu iha loron 29 Setembru 2014.
- Espekulasaun Informasaun no Desizaun Lori Fila Dadur Juga Gama no Alcino M. Pereira. Disponivel iha: <http://www.fundasaunmahein.org/2014/08/18/espekulasauninformasaun-no-desizaun-lori-fila-dadur-juga-gama-no-alcino-m-pereira/>. FM asesu iha loron 29 Setembru 2014.
- Kazu sidadaun korea falsifika pasaporte, babo: “sei buka tuir Matadalan”. Disponivel iha: <http://jornal.suara-timor-lorosae.com/kazu-sidadaun-korea-falsifika-pasaporte-babo-seikatuirmatadalan/>. FM asesu iha loron 29 Setembru 2014.
- SPI Indentifika Ema Indonezia Ida Falsifika Passaporte | Xefi Suku Motael Diak Liu Haruka Fila. Disponivel iha: <http://suara-timor-lorosae.com/spi-indentifika-ema-indonezia-ida-falsifika-passaporte-xefi-suku-motael-diak-liu-haruka-fila/#sthash.iic3YZC1.dpuf>. FM asesu iha loron 29 Setembru 2014.
- Fraud in Timor-Leste. Disponivel iha: <http://www.fundasaunmahein.org/2014/04/14/fraud-in-timor-leste/>. asesu iha loron 29 Setembru 2014.
- Osan falsu. Disponivel iha: <http://www.fundasaunmahein.org/2014/07/03/counterfeit-money/>. Asesu iha loron 29 Setembru 2014.
- Polisia Singapura Kaptura Ona Sou Hok. Disponivel iha: <http://www.jndiario.com/2014/09/25/polisia-singapura-kaptura-ona-sou-hok/>. FM asesu iha loron 29 Setembru 2014.
- Parabens Ba Serbisu Informasaun Militar Funu Hasoru Droga. Disponivel iha: <http://www.fundasaunmahein.org/2014/09/10/parabens-ba-serbisu-informasaun-militar-funu-hasoru-droga/>. FM asesu iha loron 29 Setembru 2014.
- Tersangka Militan ISIS Ditembak Mati di Australia. Disponivel iha: <http://www.dw.de/tersangka-a-militan-isis-ditembak-mati-di-australia/a17949404>. FM asesu iha loron 29 Setembru 2014.
- The Voice Of Mahein Number 14, 10 November 2010.



The Operations Of Organized Crime In Timor-Leste. Disponivel iha:

http://www.fundasaunmahein.org/wpcontent/uploads/2010/11/MNL_Nu.14_10112013_Organized-Crimepdf1.pdf. FM asesu iha loron 29 Setembru 2014